



Universitätsbibliothek Paderborn

**R. P. Cornelii Hazart Societatis Iesv Theologi Discursus
Morales In Selectiora Loca Genesis, Exodi, Levitici,
Numerorum**

Hazart, Cornelius

Antverpiæ, 1688

Discursus XIII. Vterque Iosepho narrat somnium suum, & Ioseph illud
interpretatur.

[urn:nbn:de:hbz:466:1-52700](#)

rarii, sedet in manu, ut suos imponat incedi, & tundat, & semper stringit quod deberet laxare: Hinc fit, ut subditū suos superiores, & pœnitentes confessarios vel horreant accedere, vel si accedant, non libere exponant animum suum ut debent, & nominatim pœnitentia sacramentum requirit.

Non sic nostri captivi, nam præterquam quod Ioseph illos vellet consolari, petens: *Cur tristes sunt facies vestre? Referte mibi, inquit, quid videritis, Numquid non Dei est interpretatio?* Audiebant Iosephum meminisse Dei, totamque somnii interpretationem non homini, sed Deo soli adscribere, & mox incepérunt illi totum somnium cum minutissimis circumstantiis aperire, cum viderent illum non ex passione, sed ex amore, & secundum Deum procedere. Non procedunt illi Superiores aut confessarii secundum Deum, sed ex passione, qui nimis rigide agunt cum subditis vel pœnitentibus, devinciendi sunt animi, leniendi dolores, ergo amore opus est ac suavitatem: Peccatores captivi diaboli sunt, ut quid ergo arctius stringis quorum catenas te relaxare oportet? non sic faciebat Deus Adamo postquam peccaverat, non venit ad illum tonitrua inter & fulgura, sed in leni aura, non vociferabatur horrende, sed dicebat: *Adam ubi es?* non improperabat ei audaciam, aut insolentiam, sed petebat suaviter: *Cur hoc fecisti?* Similiter postquam Cain occiderat fratrem, non accessit ad illum cum gladio in manu, sed cum videret eum tristem, petiit: *Cur concidit facies tua?* & quamvis Cain stupide responderet, blandè petebat Deus: *Quid fecisti? Quid ergo induimus rigorem & acerbitudinem erga captivos diaboli, & mortuos, ubi Deus tam suavis & blandus est?*

DISCURSUS XIII.

Vterque Iosepho narrat somnium suum, & Ioseph illud interpretatur.

Videbam, inquit, Princeps pincernarum, vitem, in qua erant tres propagines, crescere paulatim in gemmas, & post flores, uvas maturescere: Calicemque Pharaonis in manu mea. Tuli ergo uvas, & expressi in calicem quem tenebam, & tradidi poculum Pharaoni.

Procul dubio hæc alia longe, etiam moraliter, significabant, quam in re ipsa ostendebantur: 1. Mirabilis erat illa vitis quæ una nocte,

GENESIM, EXODVM, LEVITICVM, &c. 77
nocte, & tam exiguo tempore crescebat in gemmas, & flores, &
uvas maturas, cum aliás opus sit anno ut hoc fiat. 2. Et hoc mirum
quod creverit & nulla fiat, mentio culturæ, non dicitur putata,
non ligata, non circumfossa, non fimo inspersa, unde ergo vitis illa
tam frugifera? unde emersit? quis illam plantavit?

Vitis est anima justi quemadmodum Deus illam sèpè appellat:
Laudandum quod vitis illa in somnio tam brevi tempore & gem-
mas protulit, & flores, & uvas, Sic maximè laudandum quod ali-
quis, inquit D. Thomas Opus. 4. tantum proficiat in virtute, quan-
tum alius in uno anno. Talis enim, inquit Sapiens cap. 4. Consummatus
in brevi explevit tempora multa, hoc est, tam perfectus evasit exiguo
tempore quam alias diurno. Unde rectè monet Seneca epist. 93.
Non ut diu vivamus curandum est, sed ut bene, longa vita est, si
perfecta est. Dicit Scriptura Saulem duobus tantum annis regnasse
super Israel, cum facile triginta regnaverit, sed computat annos vir-
tutis, non vitæ. Sicut ergo ille dicitur parum vixisse quia multis
annis peccavit, sic dicitur multis annis vixisse, qui paucis bene
vixit, quia tam multum præstítit boni paucis annis, quām alius
multis. Vitis revera digna ex qua vinum exprimatur quod propi-
netur æterno regi.

Veum audiamus potius quomodo Ioseph, secundum rem ipsam
hoc somnum interpretatus sit. Hæc est, inquietabat, interpretatio som-
ni: Tres propagines tres adhuc dies sunt, postquam recordabitur Pharaon
ministerii tui, & restituet te in gradum pristinum, dabisque ei calicem,
juxta officium tuum, sicut antea facere consueveras, tantum memento mei
cum bene tibi fuerit, & facias mecum misericordiam, ut fuggeras Pharaoni,
ut educat me de isto carcere, quia farto sublatuſ sum de terra Hebreorum, &
hic innocens in lacum missus sum.

Videns, inquit Scriptura. Pistorum magister quod Ioseph prælenter
somnum dissolvisset, ait: Et ego vidi somnum quod haberem tria canistra
farine super caput meum, & in uno canistro, quod erat excelsus, portare me
omnes cibos qui sunt arte pistoria, atque comedere ex eo.

Respondit Ioseph: Hæc est interpretatio somni: Tria canistra, tres ad-
huc dies sunt, postquam auferet Pharaon caput tuum, ac suspendet te in cruce,
& lacerabunt volucres carnes tuas.

Quid ad hæc uterque dixerit non invenio in Scriptura expre-
sum: De postremo non miror, forte enim tam fuit obrutus dolore
cum audiret se moriturum, & quidem infami morte in patubulo, ut
Verbum non potuerit loqui,

De primo vero hoc unum dicit *Moyse*: *Non respondit verbum*. Hoc miror: Aut enim ingratissimus fuit quod *Iosepho* non ageret gratias pro nuntio tam felici, aut certe tam superbus futura sua felicitate ut *Iosephum*, quia servus erat ac vilioris conditionis, contemneret, ideoque non dignaretur ei respondere: rogaverat illum *Ioseph* ut esset memor sui apud *Pharaonem*, at ille siluit, nec semel legitur dixisse: *Ero memor tanti benefactoris mei*. Quid faciet jam promotus in aula, quando ex sola felicitate somniata tam arrogans factus est existens adhuc in vinculis? quid faciet quando torque aureo incedet ornatus, quando ita superbit ferreâ catenâ ligatus?

Quamquam persuadere mihi non possum, quod *Iosepho* non promiserit aureos montes, multisque verbis suum illi obsequium obtulerit, certumque reddiderit fore ut illum apud *Pharaonem* sic commendaret quamprimum ut carcere liberaretur; nouit tamen *Moyse* illa singillatim narrare, quia verba aulici erant, hoc est, vanæ assentationes, & nugæ, sciebat enim passim qui in aula nutriti sunt, multa verba dare, multa promittere, & raro promissis stare: Imo omne obsequium suum offerre, & millies dicere, ego sum servus tuus, scilicet quando non indigebis.

Quidquid sit, quod *Ioseph* prædixerat, evenit: Sic enim ait Scriptura: *Exinde dies tertius natalitus Pharaonis erat: Qui faciens grande convivium pueris suis recordatus est inter epulas magistri pincernarum, & pistorum Principis. Restituite alterum in locum suum ut porrigeret ei populum, alterum suspendit in patibulo.*

Hic video quasi in figura expressum quod ad terrorem nostrum inculcat *Christus Matth. cap. 24*, ubi agit de die judicii, & ait: *Tunc duerunt in agro: unus assumetur, & unus relinquetur, duæ molentes in mola, una assumetur, & una relinquetur.*

Hujus veritatis tot sunt exempla in Scriptura, aliisque historiis, ut vix sciām unde incipere. *Adam* duos habebat filios, *Cain* & *Abel*, *Abel* assumptus est, *Cain* relictus: Duos habebat *Abraham*, *Isaac* & *Ismael*, *Isaac* assumptus est, *Ismael* relictus. *Isaac* habebat duos, *Esau* & *Jacob*, *Jacob* assumptus est, *Esau* relictus: Duos habebat *Ioseph*, *Ephraim* & *Manassen*, *Ephraim* assumptus est, *Manasses* relictus: Denique duo pendebant cum *Christo* in cruce latrones, unus assumptus, alter relictus: Unus enim illorum desperatus, & impenitens mortuus est, & desertus à Deo: Alter contritus, & assumptus à Deo in Paradisum.

Quid

Quid dicemus ad hæc? quod in justitia sit apud Deum, quod dampnet quem vult, & salvet quem vult; absit. *Vult enim*, inquit *Paulus* 1. *Timoth. cap. 2. Omnes salvos fieri, & ad agnitionem veritatis venire*, quid ergo audiamus *D. Bernardinum serm. 55. art. 1. cap. 2.* Nullus, inquit, nisi ex gratia converti potest, nullusque damnatur nisi propter demerita sua, hoc enim exigit divina justitia: *Quod ergo demeritum illius latronis qui non credit?* quod vero meritum illius qui credit?

Demerita illius qui non credit, fuere, quod aures occluserit efcacibus socii sui monitionibus, *increpabat enim eum*, inquit *Lucas* ^{tia non cap. 23.} cum blasphemaret *Christum*: *Neque tu times Deum*, inquietabat, ^{differen-}
qui in eadem damnatione es? non audiebat. 2. Defendebat alter innocentiam Christi, dicens: *Hic nihil mali gesit;* non audiebat: Clamat Centurio: *Verè hic homo Iesus erat.* Nolebat audire, & tantum habebat aures patentes ad blasphemias *Iudeorum* circumstantium, & sequebatur illorum exemplum.

3. Clauerat oculos: Poterat enim videre patientiam Christi qui tolerabat sua tormenta: poterat plures ex *Iudeis* videre percutientes pectora sua præ dolore quod *Christum* crucifixissent: Imo facile duabus horis adhuc vivebat in cruce postquam *Christus* mortuus erat ut patet ex *Luca*; poterat ergo videre, solem obscuratum, & orbem in meridiem stantem in tenebris, poterat videre scindi rupes, tremere terram, atque inde certo colligere *Christum* esse plusquam hominem, sed tam erat obstinatus ut videns non videret.

3. Clauerat cor, si enim illud habuisset promptum & apertum, non poterat non moveri interius per inspirationes divinas, quidquid enim & audiebat & videbat, etiam saxa terramque move-re poterat.

Et mirabitur aliquis illum fuisse relictum à Deo, qui tot signis, tot monitionibus, prava sua voluntate, & obstinato animo, non movebatur ad pœnitentiam, non fuisse ergo relictus, si voluisset.

Alter vero latro quo merita habuit ut assumeretur. Primo blasphemaverat etiam ut alter, sed correxit se. 2. Exercuit insignem actum charitatis erga proximum, quando increpavit socium ut desisteret à peccato. 3. Defendit Christi innocentiam. 4. Ostendit quanta patientia toleraret sua supplicia, dicens: *Nos juste patimur, & dignitatis recipimus.* Numquid talis merebatur ut assumeretur à Deo, & audiret: *Hodie mecum eris in paradyso?*

Denique

Denique uterque eandem prorsus habebant occasionem, erantque in iisdem circumstantiis constituti. Uterque habebat Christum praesentem, uterque videbat ejus admirandam patientiam, uterque audiebat illum clamantem: *Pater in manus tuas commendabo spiritum meum*: Quid ergo fuit quod unus relinqueretur, alter assumeretur? Respondet Augustinus: Quia unus noluit, alter voluit. Ille noluit, rejiciendo tot gratias quas habebat communes cum alio, hic vero voluit, quia gratias illas sibi oblatas admisit.

Nihilominus tamen horrendum est cogitare: *Vnus relinquetur, alter assumetur*, quamvis enim gratia divina præventi (quæ nulli deest) sit in nostra potestate relinquere vel assumi, nescimus tamen an non aliquando, præsertim in fine vita: gratiam Dei simus rejecturi, & perituri cum malo latrone. Quod enim bonus latro gratiæ Dei recipiendo, quasi in ultimo vita: momento conversus sit, hoc exemplum, inquit S. Bernardus serm. 38 in parv. est sine exemplo: Si, inquit, bene memini, in toto canone Scripturarum, unicum latronem invenies sic salvatum: Privilegia autem, inquit Ludolphus Carthusianus part. 2, cap. 63. paucorum non faciunt legem communem.

Quapropter, inquit, nullus exemplo istius latronis debet suam pœnitentiam differre. Hoc enim privilegium adeo rarum est & speciale, ut Christus illud concedens, necessarium putaret, ut diceret: *Amen dico tibi*, quasi dicaret, hoc tibi soli particulatiter dico & promitto, non enim volo ut hoc privilegium alii sibi attrahant. Si qui vero hoc facere præsumant, & ad finem usque vita: pœnitentiam differre, audiant quid dicat Alphonsus Salmeron: Non semper est, inquit, illa dies veneris sancta, quando celebrabatur jubilæum effusi sanguinis Christi, tunc enim dabatur remissio peccatorum toti terrarum orbi iis qui volebant indulgentiam illam lucrari, hac occasione usus est latro, sed non omni tempore datur ista indulgentia, quamvis enim Deus promiserit se peccatorem exauditurum quamcumque hora ingemeruit, non tamen promisit se tempus daturum ut ingemisceret; aut ergo pœnitendum dum tempus præ manibus est, aut summum periculum est fore ut non assūmatur à Deo, sed relinquatur.

Interea jam in pristinum statum restitutus versabatur in aula Princeps pincernarum, & pistrino fungebatur officio, sed succedentibus prosperis, inquit Scriptura, *oblitus est interpretis sui Iosephi*. Rogaverat illum Joseph ut sc commendaret Regi jam liber, ut ipse quoque carcere

carcere liberaretur, sed cum jam esset in sua prosperitate pincerna, oblitus est Iosephi benefactoris sui.

Habet hoc omnis prosperitas ut facilè aliorum obliviscatur, nec mirum, quia etiam obliviscitur sui & saepius Dei: Sicut enim nimum lumen oculos excæcat, præsertim fixè intuentum solem, <sup>Felicitas
hominem
dementat</sup> he felicitas excæcat mentes mortalium: Poëta Horatius, felicitatem ac prosperitatem vocat dulcem fortunam quâ homines inebriantur. agens enim de Cleopatra Regina Ægypti, quæ jam ad majorem opulentiam venerat quam verbis possit describi, putabat se majorem gloriam adjecturam si totum imperium Romanum everteret, & jam parabat hoc facere, quod nulla haec tenus natio potentissima, nulli reges, nec duces multis hominum millibus efficere potuerant: Miraris hoc in una femina? erat, inquit Horatius, ebria dulci fortuna. Denique prosperitas hominem superbum facit & arrogantem, ergo & stultum, sic enim ait Chrysostomus Hom. 39. ad Populum: Non potest esse superbus qui non sit fatuus, & D. Bernardus lib. 2 de consid. Fortuna quos nimium fovet, stultos facit.

Igitur si plerumque cæcus est qui in nimia prosperitate est, verum est illud commune proverbium: Non novit seipsum: Si ebrius est, verum est illud quod dicimus de eo qui planè ebrius est, tam ebrius est ut non noverit Deum suū: Si stultus est nihil novit, quomodo ergo noverit homines, aut illorū meminerit, qui nec se novit, nec Dei memor est: Erat in suprema felicitate supremus angelorum Lucifer, erat in suprema dignitate Princeps totius orbis Adamus, tam cæcus & stultus erat uterque, ut neuter se nosset, putabant enim se esse Deum, aut saltem fieri posse: Quis felicior Nabuchodonosore Regi tam erat ebrius sua fortuna ut Deum planè esset oblitus: Nam cum vocem audiret sibi acclamantem de cælo: Regnum tuum transibit à te & habitatio tua erit cum bestiis, mox addebat: Donec scias quod dominetur excelsus, ergo cum esset in sua prosperitate, non noverat Deum, & mirarum si tales homines obliviousantur alios homines, etiam benefactores suos, & maximè si illi miseri sint? cum enim omnibus abundant, nemine amplius indigent, & sic obliviousuntur benefactores suos, & cum longè supra aliorum conditionem eveniunt, & se minores contemnunt, & miseros aversantur: Idcirco puto quod ille pincerna oblitus fuerit, ut ait Scriptura, benefactoris sui Iosephi.

Non poterat D. Petrus Apostolus magis honorari, quam dum es-
set

L

set

set in monte Thabor cum Christo, qui tunc erat quasi quædam species cœli, stabat enim Christus in plena maiestate sua, totus circumfusus splendida luce, facies ut sol, nubes lucida totum obumbrabat montem, Patris cœlestis vox resonabat è cœlo, & inter hæc, inquit *Lucas cap. 9.* Petrus & qui cū illo erant, gravati erant somno, & in tam exigua felicitatis portiuncula obliviscitur vocationis suæ, sic enim absorptus erat ut exclamaret: Preceptor bonum est nos hic esse faciamus hic tria tabernacula: Jam destinatus erat à Christo ad percurrendum mundum, prædicandam fidem, & convertendas gentes, sed ille istius præstantissimi operis jam non meminerat, quia in summo gradu honoris positus erat, abreptusque deliciis: Quid ergo sperandum habebat Ioseph ab uno aulico qui in pristinum honorē restitutus, aulæ deliciis fruebatur, nisi ut illius oblivisceretur; & quidem miseri & captivi: Sic dives Epulo non semel meminerat miserrimi Lazarus, quia sufficiebat illi quod sibi omnia abundanter suppeterent, quid alteri deesset, hoc non curabat, quia inter suas delicias hoc ipse non sentiebat.

Nihilominus tamen videtur incredibile quod Pincerna ille ita statim Iosephi oblitus fuerit ut numquam vel semel illius meminiret: Quis enim credat recenter liberatum è carcere, non meminisse vinculorum suorum, adeoque non poterat non meminisse Ioseph. Crediderim propterea, initio memorem quidem fuisse, sed rem distulisse, contentus quod liber jam esset, mortemque evasisset ad quam socium suum condemnatum videbat. Itaque dum occasionem loquendi pro Iosepho expectat, succendentibus paulatim prosperis etiam paulatim ipsius ardor refixit, & tam incogitans ac negligens factus fuerit, ut postea penitus immemor, & oblitus fuerit sui interpretis.

Proposita bona sta. tim exequenda. Hinc discimus statim exequenda esse bona proposita, ne primus fervor in torporem degeneret, & nullus fructus sequatur. Cito enim clangunt quæ animo concepimus nisi illa assidue inflammemus, sicuti arbor semel plantata arescit nisi continuo foveatur. Patet in multis. Proposuerat Saul dare filiam suam in uxorem Davidi: Optimum propositum, David enim hoc merebatur, sed mox propositum illud exaruit, dum in caput Davidis hastam vibravit ut illum transfigeret. Quanta non proposuerat Petrus dum esset in conga cum Christo? dixerat se numquam illum deserturum, se moritum pro illo: Sed ubi illa proposita cum paulo post esset in aula Pontifi-

Pontificis evanuerunt, tunc enim illum negavit. Clamabat David psal. 118. Iuravi & statui custodire iudicia justitiae tue, sed quamdiu donec Bethsabeam se lavantem videbit. Clamabat etiam Petrus: Tecum pugnatus sum & in carcere, & in mortem ire, sed quamdiu donec una ancilla eum interroget quis esset: Quid pro Deo le facturum promiserat Salomon cum primum esset inunctus in regem? sed quamdiu donec alienigenæ feminæ cor ejus raperent. Abstinebat Sampson vino, & sicera, deoque dicatus vivebat: sed quamdiu donec feminam videret quæ oculis ipsius placebat. Quid ferventius quam sponsa in canticis tanto astuabat desiderio ut sponsum suum videbat & amplexaretur, ut etiam sera nocte plateas urbis percurreret, nec timeret milites urbem obeuntes ut illum inveniret, etiam post vulnera ab illis accepta non desistebat currere; quamdiu fervor ille duravit donec abducta à commodis suis, molliter jaceret in lecto; tunc sponsus ultro ad illius domum accessit, pulsavit ad ostium, audivit illa clamantem, nec tamen surrexit: Quare hoc ne inquietat pedes suos: Ecce quo fervor ille propositaque reciderint ut jam pluris faciat munditiam pedum suorum quam sponsum quem tot lachrymis suspirisque prius quæsierat. Sic à summitate prolabimur in abyssum dum proposita non servamus, aut non statim executioni mandamus.

Fluvii similes sumus; quam puri sunt illi in suo fonte, ubi vero longius progressi sunt, turbidi fiunt, & sordes secum trahunt, ubi in mare influunt, toti lutei fiunt, & cadaveribus sordidantur: Aut similes sumus arboribus & hortis, speciosi quidem dum ver est, aridi, si hyems, vernamus quamdiu nos Deus lacrymis devotionis rigat, perfunditque suavitatibus animi; si non quotidie nos recreet, orare definitus: Nemo, praesertim qui felix esse cupit, Deo non grandia promittit, sed parum præstat, aut nulla,

Est qui ad Ecclesiasticam dignitatem aspirat, proponit esse exemplariorum Ecclesiastico rum, ubi illam obtinuit, fit scandalum aliorum. Alius qui cupiditate ditescere, clamat in corde suo, si tantum pecunia collegero quantum sufficit ad collocandas in matrimonium filias, subducam me ut vivam Deo, & egenis prospiciam: Ubi dives effectus est, nihil facit. Alius innumera facit proposita si convalescat è morbo, ubi convaluit, omnium oblitus est: Alius denique qui in peccatis vixit, aureos montes Deo in confessione promittit, vix aliquot dies abiēre, iterum in eadem recidit. Quid plu-

ra? Vade ad aulam Pharaonis , isthic invenies pincernam inebriatum non à vino quod hauserat, sed quod propinaverat regi, ideoque immemorem beneficii quod illi Ioseph præstiterat, sic nos Deo mentimur, sicut ille Iosepho imposuit.

Qui vero verè justus est ac timens Deum, numquam dicit satis est, sed non contentus principiis, semper se ad ulteriora extendit. Propterea puto Scripturam non semel laudare justos magis propter virtutes futuras, quam eas quas de facto habent. Sic ait David Psal. 1. Iustus , inquit, erit quasi lignum quod plantatum est secus decursus aquarum: Quod fructum suum dabit in tempore suo, & solium ejus non defluet. Audin? omnia pro futuro: erit quasi arbor, dabit fructum, folium non defluet : Justus numquam est sine fructibus, quare ergo commendat fructus futuros, & non præsentes? quia Deus magis oblectatur perseverantiâ in fructibus bonorum operum proferendis, quam in fructibus jam maturis, hi enim frustra sunt, si nulli allii deinceps sequuntur.

Similiter ait David Psal. 91. Iustus ut palma florebit, sicut cedrus Libani multiplicabitur in atriis domus Dei nostri florebunt, adhuc multiplicabuntur in senecta uberi.

Si justus jam est quare non dicit David quod jam floreat ut palma, sed florebit? procul dubio floret, nam si non floreret, non esset justus, verum gratius est quod præsciatur flores editurum, quam quod de facto flores proferat: Et quamvis gratis est fervor in juventute, gravior tamen est quod adhuc fructus proferat in senectute. Omnia denique Christus hoc uno verbo concludit: Qui perseveraverit usque in finem, hic salvus erit.

DISCURSUS XIV.

Rex Pharaon duo somnia videt, convocat augures suos, sed nullus potest illa interpretari præter Ioseph.

Post duos annos, inquit Scriptura, vidit Pharaon somnum. Fatabat se stare super fluvium, de quo ascendebant septem boves pulchra & crassa nimis, & pascebantur in locis palustribus; alia quoque septem emergabant de flumine, feda, confectaque macie, & pascebantur in ipsa amnis